

COMUNICÂT STAMPE

SCANDAI DI MARCJÂT PAR ORGANIZÂ "SUNS 2012"

Udin, ai 6 di Lui 2012 - A son vierts ancjemò fin ai 16 di Lui i tiermins par presentâ la manifestazion di interès ae realizazion di "SUNS 2012 - Festival de cjançon in lenghe minoritarie".

La stazion apaltant e je la ARLeF - Agenzie regionâl pe lenghe furlane che e à publicât sul so sît il scandai di marcjât par individuâ i sogjets di invidâ ae procedure negoziade a cotim fiduciari par la erogazion dal servizi.

Il servizi al rivuarde il coordinament e la organizazion de cuarte edizion di "SUNS", manifestazion che e fâs part dal circuit internazionâl dal "Liet International": i doi vincidôrs de selezion furlane che si tignarà a Udin in date di destinâ di fat a parteciparan ae finâl dal "Liet 2012" in program a Xixón - Gijón, tes Asturiis, il prin di Dicembar 2012.

L'impuart a base di gare dal servizi al è di 35 mil euros cence IVA. Par i details e par discjamâ la manifestazion di interès si à di lâ tal sît www.arlef.it ae sezion bants, garis e avîs: il modul al è di fâ pervignî dentri des 12.00 dai 16 di Lui ae ARLeF, place XX Setembar 23, 33100 Udin.